


開原縣志

庚子

人物

人物之稱何自昉哉蓋物則秉彝之正山川靈秀之鍾加以道德之涵濡時書之啓迪皆人物所由陶成也開原一彈丸地耳僻在遐荒詎敢自爲夸耀然徵之舊志附以新聞不第科第時代有人也即選舉時代亦有人不第名登仕版有人也即儀範黨鄉亦有人推之教育英才閭壺貞烈過人之材藝奇寓之名流亦皆大有人在何者非我邑之人物耶惟搜羅徧挂漏難辭或體例有所不符或生存難爲立傳者胥準諸史有缺文之律尤本編所不容不聲明者也



名宦

地有以人傳者雖遐荒鄙塞僻壤窮鄉得一二偉人奇士隅留鴻印於雪泥而其地亦藉此一登龍門聲價十倍焉此人文之潤色地理者也開原地處邊陲民風樸拙宦游斯土者固未嘗視爲繁盛之區然歷代之仁慈碩德幹濟能臣轉得以荒涼鄙陋獲顯其感孚之捷速材力之優長則劉寵山陰張詠益郡勿謂非今日之甘棠遺愛史乘光榮也後此蒞任諸君子得覽此篇安知不成績卓著弗讓前人而存追踪先哲之思也耶

金

高松 澄州析水人年十九從軍爲佛寧多利善戰熙宗時從宗弼破汴京及和尚原累官咸平府總管判官世宗即位充管押東京路渤海萬戶兵部尙書克實謀反前同知延安尹李老僧欲得高松共事遂往見松以言挑之曰有功舊人至今不得大官何也松曰我一縣令每念聖恩累世不能報庸敢也望乎老僧遂不敢言克實等事遂敗

後松從征幹罕以功遷咸平少尹官至崇義軍節度使 佛寧官名宗弼即兀朮

伊喇暗達 遼橫帳人騎射絕倫善相馬熙宗時累官東京副留守參知政事嗣攝咸平
路屯軍都統除武定軍節度使以招徠邊部功遷東北路招討使改臨潢尹卒 諡達

原作按答

完顏承暉 字維明性好學淹貫經史遷東京咸平路提刑副使同知上京留守豪猾屏
息旋遷臨海軍節度使歷利涉遼海軍節度使歷刊涉遼海軍遷北京路提刑歷知咸
平臨潢府爲北京留守後死於中都之難贈尙書令廣平郡王諡忠肅金史有傳

轉益溫敦兀帶 阿補斯水人通書史工詩世宗即位授咸平及會寧尹爲北邊行軍都
統時窩翰初定人心未安公爲政寬簡得宜嚴烽燧謹斥堠邊境以寧尋改北平留守
未幾入拜參知政事

轉益溫敦兀帶通志改作諾延溫敦烏達蒙古語諾延官長之稱溫敦八旗姓也
阿補斯通志改作阿卜薩蒙古地名

烏哲庫 安帝六代孫婆盧火之子善騎射烏哲庫性聰敏有才智善用軍常出敵之
意以寡勝衆所往輒克號爲鶻軍大定初除咸平尹從征有功改爲呼爾哈節度使卒
烏哲庫舊作吾扎忽

伊喇子敬 字同文遼五院人皇統間與修遼史除同知遼州事舊本廳自有佔地歲入
數百貫子敬曰已有公田何更取民田竟不取累遷簽書樞密院事同修國史及爲興
中尹女自懿州來謁遇盜剽行李且盡旣而還之曰我輩初不知爲府尹家也尹有德
於民尙忍侵犯耶後歷咸平廣寧尹致仕卒時家無餘貲

伊喇子敬舊作伊喇子敬本名鄂克多羅今依通志更正之

張行信 字信甫莒州日照人與兄行簡皆有名純正眞率不事修飾世宗大定二十八
年擢進士官銅山令有政聲章宗明昌元年以廉擢授監察御史兩登相位言無隱避
及卒皆曰正人亡矣

元

達春蒙古扎拉爾氏 初授東京等路總管府達嚕噶齊以廉勤進開元等路宣慰東京行中書右丞遼東道宣慰使納延叛力戰却之軍懿州州人羅拜道旁泣曰非公吾屬無遺種矣至遼西討擒餘黨禁止俘掠復領軍討哈坦帝嘉其功賜珍珠上服拜遼陽等處行中書省平章政事

烏頁爾沙卜珠氏 狀貌甚偉太宗三年與薩喇達征高麗下十餘城高麗請和送質帝大悅俾烏頁爾充北京東京廣寧蓋州平州泰州開元府七處路征行兵馬都元帥鎮撫東陲甚著威望

塔出 蒙古扎刺氏扎刺台子也至元十七年授昭勇大將軍東京路總管達魯花赤十八年召見賜鈔錠旌其廉勤陞昭毅大將軍開原等路宣慰使以功爲遼東行中書省平章政事

明

裴伊實特穆爾 女真人沈毅有勇略洪武時受百戶歷戰有功陞千戶從又以功陞三

萬衛指揮僉事訓練士馬勞來遠人尋陞指揮同知

李承勛 湖北嘉魚人正德中以右副都廢御使巡撫遼東時邊備久弛開原尤甚士馬纔十二墻堡墩台傾圯殆盡將士依城塹自守承勛疏請修築會世宗立發帑銀四十餘萬承勛命步將四人各一軍守要害身負畚鍤先士卒凡爲城塹各九萬一千四百餘丈墩堡百八十有二招逋逃三千二百人開屯田千五百頃又城中固鐵嶺蒲河撫順邊防甚固又數陳軍民利病咸報可

王 翱 直隸鹽山人正統七年以右僉都御史提督遼東軍務時遼東將屢失機翱以軍令久弛因諸將庭謁責以失律罪命左右曳出斬之皆惶恐叩頭願效死贖翱乃躬行邊自山海關抵開原繕城垣浚溝塹五里爲堡十里爲屯使蜂燧相接練士卒恤鰥寡軍民大悅又以邊塞孤遠軍餉匱乏緣俗立法令有罪得收贖人皆便之

張 鼎 山東歷城人弘治十五年以右僉都御史巡撫遼東是軍政久馳又許餘丁納貲助驛遞給冠帶復其身邊人競援例避役鼎言不可因條上核屯糧清隱占稽客戶

減軍裨數事悉允行尋劾分守中官劉恭等貪虐罪築邊牆自山海關迄開原燧陽凡千餘里遼撫自徐貫後歷張玉陳瑤韓重四人多得罪去至歸稱能正德初移撫宣府徐便字崇謹黃岡人幼嗜學有武略值元季喪亂民鮮依歸遂共推爲帥以桿衛鄉閭辛巳率衆歸明授千戶守臨濠詔赴京師陞遼海衛指揮僉事已亥移守遼海衛旋陞遼東都指揮僉事卒於官公恭儉慈惠所至有聲初開原數被火災令民多鑿井以防之火不復發城南水隍被冲圯興工浚築水患始平遇事雖倉卒未嘗急言遽色又推誠待人故民感德之

孫 禴

始姓葛復姓孫錦衣衛籍正德甲戌進士性剛介明敏爲監察御史按遼會開

原積憤殺虜酋速長家等於衛衙共百餘級乃論效撫鎮而原情以釋其衆內鎮守分守家人倚勢爲姦利皆按以法貪官豪吏爲之屏跡嘉靖癸卯再任巡撫通諳邊情持法如舊遠近獲畏奏修東北一帶邊牆公費有經民勞以悅人至今思之歷陞兵部侍郎

李善 陝西隴州人成化戊戌進士授行人拜監察御史按遼時威震東遼好豪歛跡廣寧抵開原濱海而北周折七百餘里即由一片石達鎮北關相去徑三百里所省兵食歲計數百十萬善即計程量工上狀繼今無能成其志者累官南京都察院右副都史刑部右侍郎工部尙書致仕卒贈太子太保

王祥 字伯禎其先光州固始人體貌魁偉度量有容永樂間由燕山衛指揮使總神機營成祖文皇帝累賞金帛後陞都指揮僉事調廣寧開原操備修築寧遠蒲河等城皆祥經營區畫及擢掌遼東都司事陞都指揮同知當是時都司主兵甲子虜寇西鄙祥殲其衆於老河庚午寇東鄙又戮其酋長於東山累陞都督僉事仍掌都司事以疾卒

馬深 雲四世孫義州衛指揮使成化間歷義州廣寧備禦屢著斬獲功陳備邊十六事於當道弘治乙丑北虜入寇兵部尙書劉大夏薦天下可任大將者十人而深居首陞見孝宗宴賜優厚命協贊顯武營正德改元告病家居鎮巡委深督修開原邊防經

營有心計優恤役夫多免於死亡事竣備禦海蓋二衛内外交牘十餘疏充開原左參將未幾去任深從醫閭先生游知讀書嫻韜略其爽朗嚴翼頗有祖父遺風

張鐸 南京留守衛人嘉靖辛丑進士以翰林庶吉士授監察御史按遼銳意經略規度要害於開原建彭家堡李屯堡

黃雲 陝西咸寧縣人嘉靖乙未進士以刑部員外郎陞山東按察司僉事整飭金州兵備尋改開原兵備開原舊無兵備改設自雲始雲持身嚴一毫不苟取開原邊務久弛守將尤多貪縱雲緝其用事者繩之以法不少貸貪風頓息雲又以虜賊馳突由邊牆傾圯堡少兵寡也乃建議撫按題請築邊牆二百餘里又於開原添設永寧堡各募兵五百名爲戰守計邊防完固虜不敢犯者垂十年

趙國忠 字伯進錦州人由開原備禦中嘉靖己丑會武轉饒陽守備郤餽金公市利邊夷警服後進都督同知修開原邊垣終身不置廢妾不甬娶厚貲產以貼其母第射能穿札詩學許渾有儒將風

周俊 鵠之孫字朝用定遼前衛指揮僉事備禦寧遠調開原充右參將分守西路成化丁亥東征出鴉鶻關以騎兵抵賊巢斬俘四百餘名己丑移守開原復征建州擒斬功多陞都指揮使朵顏賊邀殺海西貢夷俊勒兵追及土石門斬首十一級奪回方物開拓柴河堡抵蒲河界六十餘里增立烽堠疏挑河道又改設鎮北青陽二堡邊人稱便

韓輔 字良弼斌之子幼穎敏讀史傳兵法從醫閭賀先生遊弘治庚申擢右參將癸亥修築清河等十一堡建屯堡百十座耕守應援相依陞署都督僉事鎮守遼東拓高平驛以便行旅修鎮寧鎮夷二堡築邊垣起廣寧至開原長亘千里功聞賜金帛輔爲將識大體善因事立功每軍行戒之曰賊敗乘勝急擊勿貪虜首分我兵力且多則費爵賞啓爭端于我弗利知兵者以爲名言

韓璽 輔之子國信正德間陞都督僉事充遼東鎮守總兵癸酉賊犯清河廣寧開原每每戰皆捷

蕭 淳 字克已正德間以功陞都指揮使充領兵參將嘉靖間分守義州開原淳體貌魁梧武宗呼爲門神然遠於勢力卒以免禍齊給事之鸞奏稱當兇鏖交橫之時獨守靖恭之節此可以見其爲人焉

劉 旺 三萬衛都指揮成化間與其子答廝古城堡設伏時賊人入境旺率衆軍及子交鋒自己至午彼此死傷無數旣而賊衆悉至我師潰散旺父子相失答廝下馬登台瞭望見父被圍急下台揮刃單騎突入賊陣援絕矢竭父子同歿於陣

鄒 溶 字大淵泗州盱眙人由燕山右護衛百戶累遷錦衣衛指揮同知調開原備禦在官時修城壘開河道展關廂創馬市俱有能名官至都指揮同知

耿 賢 定遼前衛人由指揮僉事掌都司印備禦金復鐵嶺尋守備寧遠轉右參將分守開原善撫士卒不蓄一錢後致仕歸所屬憫其清苦各餽金幣公悉分給軍士卒葬於城東杏林山與其師顧能墓爲鄰後人過之皆嘆焉

黃九成 在僉事任時以慶雲堡兵備單弱上設立備禦以撫西夷議又以開原距遼瀋

廣寧路遠緩急難恃上添兵馬以防東夷議皆當時之禦虜防邊計劃與禮科給事傅
鑰謹華夷以弭邊患疏修撰龔用卿給事中吳布孟會名使朝鮮回奏皆能洞悉邊情
切中時病誠固國之要務也

清

王克寬 號南坡漢軍正白旗人少聰穎兼通滿漢文字清初選授尙陽堡四品官凡罪
徒之人皆隸焉公在任時除苛派濟貧苦凡流移者咸得其所及奉天建都郡縣流移
者俱赦爲民乃改授佐領嘗命其子國卿在瀋陽東邊門內建養生堂并設粥場施棺
木又顧乳母以養育孤苦嬰兒受其惠者不可勝紀其後子孫昌盛科第不絕人以爲
遺德之報云

何金序 字元玉號青綸原藉江南丹徒縣人後移直隸昌平州中清順治甲午副榜康
熙四年選授開原蒞任之日城邑邱墟居民寥寥僑居石塔寺是歲九月奉新例招民
一千四百戶改流徙入籍者五百戶時民無生計即捐俸米數百石分給之保全者甚

衆繼創建先師廟及山川風雲雷雨社稷諸壇居恒講學勸農興工通商使四民各安其業其時縣署僅建茅屋數椽公額其堂曰澄心常謂凡事減一分民受一分之益不願以不急者擾吾民其爲政概可想已後值蒙古察哈爾叛開原素無守卒乃練勇設計擒渠魁數十人賊遁去在官十二年愛民如子壬辰冬陞兵部都捕司主事去任日民遮道泣留鑄遺愛碑以紀其事

岱齡 滿州鑲白旗人清嘉慶十年蒞任愛民禮士典重賓興

明亮 字炯庵正紅旗人清乾隆壬午舉人四十一年除授開原知縣蒞任最久善政最多如增修先師廟等事均有碑記可稽爲人學極博雅公而忘私時邑值邊陲風氣樸陋公嘉惠士林以振興文教爲已任而又徵文考獻編成志書洵本邑之啓明星也

孫錫 號雪帷舉人出身清嘉慶七年蒞任甫下車即觀風取士獎勵斯文在官勤政愛民而尤以培養人才爲務所助士子賓興銀兩殆不一而足也

劉超凡 字溶澄直隸永平人清順治戊戌進士康熙十六年除授開原知事每逢朔望